



საქართველოს მთავრობის გ ა ნ კ ა რ გ უ ლ ე ბ ა

N 2348 2020 წლის 2 დეკემბერი ქ. თბილისი

„ინფრასტრუქტურული პროექტების განხორციელების ხელშეწყობის
მიზნით განსახორციელებელ ზოგიერთ ღონისძიებათა შესახებ“
საქართველოს მთავრობის 2020 წლის 31 მარტის №619 განკარგულებაში
ცვლილების შეტანის თაობაზე

საქართველოს ზოგადი ადმინისტრაციული კოდექსის 63-ე მუხლის
საფუძველზე, შეტანილ იქნეს ცვლილება „ინფრასტრუქტურული
პროექტების განხორციელების ხელშეწყობის მიზნით განსახორციელებელ
ზოგიერთ ღონისძიებათა შესახებ“ საქართველოს მთავრობის 2020 წლის 31
მარტის №619 განკარგულებაში და განკარგულების დანართის „ზ“
ქვეპუნქტი ჩამოყალიბდეს შემდეგი რედაქციით:

„ზ) ამ დანართის „დ“ და „ე“ ქვეპუნქტების მიმართ გამოიყენება
შემდეგი ფორმულა:

ზ.ა) განკარგულების შესაბამისად, ანაზღაურება განხორციელდება იმ
შემთხვევაში, თუ: $A < B + C$;

ზ.ბ) განკარგულების შესაბამისად, ანაზღაურება არ განხორციელდება იმ შემთხვევაში, თუ: $A \geq B + C$;

ზ.გ) განკარგულების შესაბამისად, შესაძლო ასანაზღაურებელი თანხის გაანგარიშება განხორციელდება შემდეგნაირად: $D = B + C - A$;

A – ხელშეკრულებით გათვალისწინებული სახარჯთაღრიცხვო ღირებულება;

B – ფაქტობრივი დანახარჯი, გარდა სამშენებლო მასალის ფაქტობრივი დანახარჯებისა, რომელიც არ აღემატება ხელშეკრულების ხარჯთაღრიცხვით განსაზღვრულ თანხას;

C – სამშენებლო მასალების ფაქტობრივი დანახარჯი;

D – განკარგულების შესაბამისად შესაძლო ასანაზღაურებელი თანხა.“.

პრემიერ-მინისტრი



გიორგი გახარია